

Man ayee yoo me nongo pwony nyo kony gi bot lonyodo

Lok ma mito lotino kwan gi nge maber wabene gin
ma mito gitim maber wagi yoo ma mito lonyodo
omede gi miyo kony bot latin kwan ne gi ganag.



Gin ma ngec me pwonye man tito:

Ngec me pwonye man cungo pi gin ma pir gi tego ma latin ni myero onge dok bene otwer timone i Leb Munu ki Tic Ki Nama (Math) i AGIKI pa mwaka me gang kwan. Gin ma gitero apwonya pi kare mo ni konyo wegi gang ki lopwonye pi ngeyo awene ma nongo latin mito kony ameda nyo awene ma nongo gimito jami apwonya ma tek manok botgi.

Lonyodo kono giromo timo ngo?

Tye jami mapol ma iromo timo me konyo pwonye pa latinni dok pi konyo en pi tere pi kwo mere me anyim. Magi aye gin mogo manok ma weko latin pwonyo:

1. Wek latin onge nia kwan pire tek boti. Nyut bote nia kwan aye gin ducu dok en acaki gero kwo ma ber.
2. Wek gang kwan obedi anyim bot gin ducu, wek latin ni oo i gang kwan iwang cawa kikome ceng ducu.
3. Notte ki lopwony wa lotic mukene me gang kwan kun inyutu woro ki gin bene.
4. Mii kare pi loc ken, wek latin ni obal kun bene oye me kwanyo twero dok ngut pi balle.
5. Lok ki latin ni pi gin ma timme i gang kwan.
6. Lok ki lapwony pa latinni me neno nia latin ni tye ka mede maber idye mwaka.
7. Bed tye i kacokke pa lonyodo ki lopwonye ki gin mogo ma pat me gang kwan ka twere.
8. Itye ki twero me ngeyo kit ma latin ni timo kwede. Pe ibed ki akalakala pi penyoye ka itye ki penyoye.

Lok ki Lapwony pa Latin ni

Pire tek me lok ki lapwony pa latin ni nyo gang kwan kare ki kare kit ma pwonye pa latin ni tye ka wot kwede i wit pwonye ma giyubo me atima. Magi aye penyoye onyo wit jami mogo ma wuromo nyamo ne:

- Kwan ki i ngec me pwonye man ka ipeny ka kwene ma latin ni tye maber iye ki kakwene ma en mito gicwak kore iye.
- Me medo ikom wit pwony ma giyubo i buk man, tye wit pwonye mogo ma gitero ma mito latin ni opwony maber.
- Penyoye lanyut me tic pa latin ni ka ipeny bene ka en tye kacobo gin ma giyubo bote apwonya pi kare ma opore.
- Penyoye kit ma gipimo ki dongo pa latinni iyoo me pwony pi mwaka.
- Penyoye ka latin ni tye iyo ma rwatte ki cobo miti me pwonye ma pore ki ot kalac mamere. Ka peke ci penyoye kony ngo ma gang kwan miyo? Ngo kono ma myero in itim ki I gang?
- Penyoye ka latin ni tye i ka ma myero en obed iye nyo en okato malo. Ka kono en okato ci ngo mukene ma gang kwan romo miyo ne? Ngo kono ma myero atim ki i gang?

Lok ki Latin ni

“Nino peri tin owoto nining i gang kwan?”

“Ber.”

“Itimo ngo?”

“Gin mo peke.”

Man winye calo gin ma time jwi? Eno ni ber, mede ki peny! Lotino kwan ma lonyodo gi loko kwedgi lok kom gang kwan gitimo maber i gang kwan. Kany aye yoo mukene ma iromo lok kwede ki latin ni dok I konyo gin pi timo maber:

- Yub kare me lok ki latin ni pi gang kwan nino ducu.
- Peny latin ni pi nyutu gin acel ma en opwonyo tin. Ngo ma latin ni tamo nia oyomo iye totwal? Ngo kono ma nen cal tek?
- Kwan waraga ki tic mogo ma latin ni kelo i gang. Wek latin ni onyut boti kit pwony ngo ma gino enoni nyutu.
- Pwoe latin ni pi tic ki tuti matek “pe pi lagam mabeco keken.”
- Peny ngo ma latin ni tamo. Ingeyo enoni nining? Itamo ningo? Iniango ngo? Itimo iyoo meno pingo? Tye yoo mo me nongo lagam enoni?

Konyo Pwony Cen Ki I Gang Kwan

Pwonye pe myero ogiki ka latin oweko gang kwan. Lotino kwan gitiyo ki wang cawa madwong woko ki i gang kwan loyo me gang kwan. Magi aye yoo ma iromo konyo pwonye pa latin ni woko ki i gang kwan: :

- Cwak kor latin ni me kwano buk, kwan ki latin ni, ka dok bene nyib kare me kwan pa dano ducu me i gang — i leb mo keken ma inongo yot boti.
- Yub ka mober labong woo pi latin ni me timo tic ma gimiyi ki i gang kwan nyo tic mo keken me pwonye.
- Temme me yubo wang cawa marom nino ducu me timo tic me gang kwan.
- Tii kibuk man me nyuto ngec me pwonye pi neno nia itiyi iwit pwony mogo ma opore.



Ngo ma latin ni myero onge nyo orom timo ne i leb munu

Loko ki Winyo Ne

- Loco lok ikin gi ki ladit pi nyamo lok ikom gin mo ni.
- Peny, “Menu nyuto ngo?” ka tye ka winyo nyig lok manyen.

Kwan ki Cik Kwaro Acoya

- Poo pi coc ki nyig coc i kwo ne nino ducu. *Labol ne — cal mogo ma gidoro me nyuto gin mo nyo mogo ma nyutu kit cam i ot cato cam.*
- Nwoyo tito ododo ma gitito nyo gikwano bote wang mapol.
- Cimo nyig coc marom calo kit ma acaki nyig coc me nying larem gi nyo ngat gi mo me gang winye kwede. *Labol ne — “M” aye pi Mama, “B” en aye pi Baba.*
- Ngwaro nia en tye ka kwano buk. Yabo buk maber dok tiyo ki cali me tito ododo ne.

Coc

- Coyo nyinge me acaki ki nying me acaki pa dano ma pirgi tek bote ma calo omega ki limego ne nyo lorem kun tiyo ki nyig coc madong ki matino ducu.
- Doro cali ka tito ododo pire.
- Doro bene lanyut (Walego Kony), rweyo (nying cam pere ma en maro), ki dwan (macalo “Amaro in”) pi tyen lok ma opore.



Ngo Ma latin kwan ni myero onge nyo otwer timo ne i tic ki nama (Math)

- Nyuti miti i nama ki gin adora i math ma gilwongo shapes ma tye i kwo me nino dudu – i gang, gang kwan, nyo i kabledowu. Penyi peny malubu nama ki shapes ne gini.
- Kwan wa i 10.
- Wek onge nia kwan nyuti nia adii. Kwan gin ma girweyo ka ipeny “Gin adii?”
- Por gin ma giguru i dul ma patpat. *Labol ne – kwan cam labod dok ka inen ka laremi tye ki marom, manok nyo madwong.*
- Cak medo dul pa jami ma giguru manoknok. *Labol ne – swaci “Onongo atye ki kitikiti adek ka doko amedo iye acel, kombedi dong atye ki kitikiti angwen.”*
- Poo ka iyubi lanen (shapes) mayot ma aduno calo lawala, matye ka janye adek ki ma tye ki janye angwen. Tii ki lanen ma pol pi kelo cal manyen nyo nongo lagam gin tuku (puzzle).
- Por boro pa gin mogo ka inen mene ma bor nyo ka girom.
- Nwo kit me timo gin mo ni ma calo dongo cingi, mulo wii, dongo cingi mulo wii. Dodi gin mo mamito rwatte gin ma calo kido makwar, adwoka, makwar, adwoka.





PORTLAND PUBLIC SCHOOLS

Academics Office
353 Cumberland Avenue
Portland, Maine 04101
207.874.8100
portlandschools.org

L.L.Bean

Tic me coyo lanyut yoo man me pwonye pa lotino bot lonyodo kacel ki lotino otimme pi kony ma oaa ki bot L.L. Bean.

Buk man aye Gangi Kwan Kal me Portland ma oyubo. Gin ma i iye ma gitiyo kwede dok giloco ma nonok ki twero pa Gang Kwan Kal me Boston. Jami ne mukene ma gimedo aye okati ki tic pa Dr. Anthony L. Moore.